

	<p style="text-align: center;"><b>ODBOJKAŠKI SAVEZ FEDERACIJE BOSNE I HERCEGOVINE</b></p>
--	---

**PROPOZICIJE  
za takmičenje u Kupu FBiH**

Tuzla. 08.06.2026. godine

Na osnovu člana 50. Statuta OS FBiH, Upravni odbor OS FBiH na sjednici održanoj 08.06.2026. godine donio je

## **PROPOZICIJE ZA TAKMIČENJE U KUPU FBiH**

### **član 1.**

Kup FBiH u odbojci je tradicionalno masovno takmičenje svih registrovanih klubova na teritoriji FBiH u kategorijama seniora i seniorki.

### **član 2.**

Takmičenje za Kup FBiH je takmičenje za sve organizacije učlanjene u Odbojkaški savez FBiH, po prijavi na raspisani tender.

Za Premijerligaše u muškoj i ženskoj konkurenciji Kup takmičenje je obavezno. Premijerligaši iz OSF BiH koji se ne budu takmičili, bit će kažnjeni novčanom kaznom od 2.000 KM+pdv, koju izriče Direktor takmičenja. Ostali svi koji žele da se takmiče moraju izvršiti pismenu prijavu.

### **član 3.**

Takmičenje za Kup BiH provodi se u dva dijela:

Prvi dio provodi nadležni takmičarski organ Odbojkaškog saveza F BiH. Prvi dio koji provodi OS FBiH vodi kup takmičenje do završnice KUP-a Federacije u muškoj i ženskoj konkurenciji. Dvije prvoplasirane ekipe iz Federacije u muškoj i ženskoj konkurenciji učestvuju na završnici KUP-a BiH.

Drugi dio provodi Direktor takmičenja OS BiH, gdje se uključuju i ekipe iz OS RS.

### **član 4.**

Za ekipe koje se prijave za takmičenje u KUP-u FBiH, a ne takmiče se u prvenstvu, kotizacija za KUP takmičenje iznosi 1500.00 KM+pdv. Također, ove ekipe moraju izvršiti registraciju i licenciranje, igrača i trenera za KUP takmičenje na osnovu Pravilnika o registraciji OS FBiH i Aneksa Propozicija takmičenja.

### **član 5.**

Takmičenje prvog dijela za Kup BiH odvija se u OS FBiH i počinje krajem septembra i mora se završiti do kraja novembra u skladu sa Kalendarom takmičenja OS FBiH gdje se dolazi do 2 muške i 2 ženske ekipe koje se dalje uključuju u takmičenje KUP-a BiH koje vodi OSBiH.

### **član 6.**

Izvlačenje parova za KUP takmičenje Federacije obaviće se na sledeći način.

Sve ekipe ravnopravno će se naći u bubnju. Ekipe koje se izvuce prva iz bubnja je domaćin a onda se izvlači protivnik i tako dalje. U Kup takmičenju se igra samo jedna utakmica.

#### **član 7.**

Finalne utakmice organizuje OSFBiH u muškoj i ženskoj konkurenciji. Takmičarska komisija OSFBiH će donijeti Odluku gdje će se igrati Finalne utakmice KUP-a Federacije. Na Finalnim utakmicama u muškoj i ženskoj konkurenciji svira se Himna BiH prije na 3(tri) minuta početka utakmice. Ukoliko domaćin neobezbijedi Himnu utakmica se igra a isti će biti sankcionisan sa 5.000 KM. Ukupne troškove Finalnih utakmica ako je organizator OSFBiH snose Klubovi učesnici. Kotizacija za učešće na Finalnom turniru iznosi 2.340 KM, ako je organizator OSFBiH. Klub koji ne izvrši uplatu troškova kotizacije Finalnih utakmica prije na 3(tri) dana odigravanja utakmica neće moći učestvovati u finalu KUP-a i bit će kažnjen mandatom kaznom od 3000 KM+PDV, a o načinu popune i plasmanu u finale KUP-a BiH Odluku će donijeti Upravni odbor OS FBiH, telefonskim putem. Prilikom intoniranja Himne BiH svi igrači i stručni štab Kluba moraju identično –isto stajati i pozdraviti Himnu BiH okrenuti prema Zastavi BiH, (napr: svi igrači moraju i Stručni štab na klupi u istom stavu stajati-ruka desna na srcu, zagrljeni sa rukama iznad ramena, zagrljeni sa rukama ispod ramena, ruke spuštene niz tijelo-jedan od ovih položaja). Ako neko u ekipi bude suprotno pozdravio Himnu BiH –Klub će biti sankcionisan sa 5.000 KM +pdv. OSFBiH može povjeriti tehničku organizaciju finalnih utakmica Klubovima učesnicima na osnovu raspisanog konkursa i bolje ponude. Termin odigravanja finala KUP-a Federacije BiH bit će određen Kalendarom takmičenja. Pobjednici KUP-a Federacije BiH u muškoj i ženskoj konkurenciji dobijaju nagradu, pehar i medalje dar OSFBiH.

#### **član 8.**

Sudije u prvom dijelu takmičenja određuje nadležni organ koji provodi takmičenje.

#### **član 9.**

Naknade putnih troškova, dnevnica i taksa za sudije i delegate u prvom dijelu takmičenja propisane su u čl.2. Odluke o naknadama sl. licima u tekućoj takmičarskoj sezoni. Na finalnim utakmicama KUP-a FBiH, troškove sl. lica i tehničke organizacije snosi domaćin, a ako je organizator OS FBiH, onda troškove snosi OSFBiH.

#### **član 10.**

Žalbe na odigrane utakmice podnose se na način propisan u Pravilniku o takmičenju OS FBiH, organu koji provode takmičenje. Odluke po ovim žalbama na Finalnim utakmicama moraju se donijeti najkasnije 30 minuta po završetku utakmice ako su ispunjeni svi uslovi za razmatranje žalbe.

Taksa na žalbu u prvom stepenu iznosi 500.00 KM+PDV.

Taksa na žalbu u drugom stepenu iznosi 800.00 KM+PDV.

član 11.

Žalbe u prvostepenom postupku u prvom dijelu KUP-a podnose se direktoru takmičenja.  
Drugostepeni organ je Upravni odbor.  
Drugostepeno rješenje je konačno.

član 12.

Na utakmicama KUP-a domaćin je obavezan obezbijediti razglas i imati profesionalnog spikera. Ukoliko to neobezbjedi plaća kaznu u iznosu 1000 KM +PDV .Direktor takmičenja izriče sankciju i ona je konačna.

Član 13.

Za sve što nije predviđeno ovim Propozicijama takmičenja za KUP FBiH, važe odredbe Pravilnika o takmičenju OS FBiH i ostala akta saveza.

član 14.

Upravni odbor OS FBiH daje tumačenja odredbi ovih Propozicija.

član 15.

Propozicije stupaju na snagu danom donošenja.  
Stupanjem na snagu ovih Propozicija, stavljaju se van snage Propozicije broj 2205-06/25 od 11.06.2025. godine .

Broj: 2392-06/26  
Tuzla, 08.06.2026.god

PREDSJEDNIK

---

Fatić Alija dipl.pravnik

